


**A W I G - A W I G**  
**DESA ADAT APUAN**



**KAMEDALANG OLIH**  
**KRAMA DESA ADAT APUAN**



**KECAMATAN SUSUT**  
**KABUPATENDAERAHTINGKATII**  
**BANGLI**  
**WARSA 1994**

PIDAGING

MAKA BANTANG AWIG - AWIG DESA ADAT APUAN

	WIDANG
MURDA CITTA	
SARGA I ARAN LAN WEWIDANGAN DESA.....	1
SARGA II PETITIS LAN PAMIKUKUH.....	2
SARGA III SUKERTA TATA PAKRAMAN.....	2
Palet 1 Indik Krama.....	2
Palet 2 Prajuru utawi Dulun Desa.....	5
Palet 3 Indik Kulkul.....	7
Palet 4 Indik Paruman.....	8
Palet 5 Indik Druwen Desa.....	9
Palet 6 Sukerta Pamitegep.....	10
Kaping 1 Karang lan Tegal.....	10
Kaping 2 Pepayonan.....	11
Kaping 3 Wewangunan.....	12
Kaping 4 Wewalungan.....	12
Kaping 5 Bhaya.....	13
Kaping 6 Penyanggran Banjar.....	14
Kaping 7 Indik Pariwertu.....	14
SARGA IV SUKERTA TATA AGAMA.....	15
Palet 1 Indik Dewa Yadnya.....	15
Palet 2 Indik Rsi Yadnya.....	18
Palet 3 Indik Pitra Yadnya.....	19
Palet 4 Indik Manusa Yadnya.....	24
Palet 5 Indik Bhuta Yadnya.....	25

SARGA V	SINGKETA INTI PERAWAN .....	26
	Palet 1 Indik Perawatan .....	26
	Palet 2 Indik Singkatan .....	26
	Palet 3 Indik Sentensi .....	26
	Palet 4 Indik Wacana .....	26
SARGA VI	WICARA LAW PASIDANDA .....	30
	Palet 1 Indik Wicara .....	30
	Palet 2 Indik Pasidanda .....	30
	Palet 3 Indik Berumpukan .....	30
SARGA VII	MEWAIH - MEWAIH AWIS - AWIS .....	30
SARGA VIII	PAMOHUT .....	37

Om Awignamastu nama sidham,

Putusing Paseban Krama Desa Adat Apuan gumawe Awig - Awig Desa Pekraman maka sepat siku - siku pematut, wastu kasidan Prayojanan Mami kabeh presama angidepaken muah amanggehaken kadi linging Awig - Awig iki.

Desa Adat wantah marupa pasayuban Krama Desa rauhing kula warga pawongannya, manut dresta Desa kemanggehang Bhuana Agung, pawongannya soang - soang pinaka Bhuana Alit, kalih malarapan cantu Jagathita, sinanggeh murdhaning prayojana pangriptaning Awig - Awig.

## SARGA I

### ARAN LAN WEWIDANGAN DESA

#### Pawos 1

- (1) Desa Adat puniki mewasta Desa Adat Apuan.
- (2) Jebar Kakuwub wewidangannya mewates nyatur :
  - a. Sisih Wetan Desa Adat Serokadan ;
  - b. Sisih Kulon ring Tukad Yeh Daah ;
  - c. Sisih Lor Carik Subak Apuan ;
  - d. Sisih Kidul Carik Subak Apuan ( Bekutel ).
- (3) Desa Adat puniki kawangun antuk karang, carik miwah Tegal ayahan Desa, sane kabawos tanah ayah Desa turmaning kepah dados 2 (kalih) banjar luwire :
  - a. Banjar Apuan Kaja lan ;
  - b. Banjar Apuan Kelod.
- (4) Banjar Apuan Kaja kepah dados 4 ( petang ) tempek luwire :
  - a. Tempek Kaja ;
  - b. Tempek Tengah ;
  - c. Tempek Kelod lan ;
  - d. Tempek Brahma.
- (5) Banjar Apuan Kelod kepah dados 3 (tigang) tempek :
  - a. Tempek Kelod ;
  - b. Tempek Tengah lan ;
  - c. Tempek Lalang.

a. Desa , utawi

b. Krama.....

SARGA II

PETITIS LAN PAMIKUKUH

Pawos 2

Desa Adat Apuan ngemanggehang Pamikukuh minakadi :

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luwir patitis Desa Adat Apuan :

- a. Mikukuhang miwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukertan Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Apuan sane me-Agama Hindu tur nyungkemin Kahyangan Tiga sinanggeh Warga Desa Adat Apuan.
- (2) Sejaba punika sinanggeh tamiu.

Pawos 5

Krama Desa wenten 6 ( enem ) Pawos luwire :

- a. Krama ngarep, Kulawarga sane ngamong Tanah Ayah Desa , utawi madruwe tanah sangkaning Redistribusi ;

b. Krama.....

- b. Krama Tapukan Kulawarga manut aksara a, sakewanten durung antes ngayah ;
- c. Krama Bala Angkep, Kulawarga sane tanpa tanah Ayah Desa sakewanten sampun mawiwaha ;
- d. Krama Nyamput inggih punika ayah sane nenten madruwe waris ;
- e. Krama penekelan inggih punika :
  - 1. Kulawarga sane magenah ring karang ayah utawi ring karang siosan sakewanten nenten kekerob sundul sakeng ayah pengarep.
  - 2. Kulawarga saking tiyos Desa sane jumenek ring Desa Adat Apuan sesampun 3 (tigang) Sasih.
- f. Sekaa Teruna Kulawarga sane ngawit mayusa 13 (telulus) warsa ngantos 40 (petang dasa) warsa saha dereng mawiwaha ;

Pawos 6

Ngawit patut dados Krama Desa :

- a. Sangkaning ngamong Tanah Ayah Desa lan tanah Redistribusi ;
- b. Mawiwit pawiwahan ;
- c. Sangkaning nyepih ( numbas, ngewaris, ngidih lan sepenunggalannya ) tanah ayah Desa lan tanah Redistribusi ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Apuan saha kacumponin olih Krama miwah Prajuru kangkat ngeranjing mekrama Desa Bala Angkep.

Pawos 7

Panemayan tedun mekrama Desa :

- a. Nyabran sasih Kesanga mejalaran tumbak saya meserana rayunan apunjung jangkep medaging kawisan, taler sadereng tudun mekrama mejalaran antuk tatengeran sedereng arep ring Krama ;
- b. 6 (enem) sasih mawiwit pawiwahan,

Pawos 8

(1) Sehanan Krama Desa keni tetegenan (ayah - ayahan) luwire :

- a. Ayah nyumek mapiteges urunan miwah ayahan mamungkul sakeng Krama ngarep ;

b. Ayah.....

7. Ayah Tapukan keni urman mamangkal eskewanten kaluputang sakeng ayah - ayah ngantos mayusa 16 ( enem belas ) wara tatak sampun mawaha ;
8. Ayah Sala Angkep keni Ayah miwah urman manut perarem ;
9. Saksa Taruna utawi Deha Taruna keni pateduman manut pinunas Krama Desa ;
10. Krama ngumpul keni tetegeman manut perarem lan indik ngelaksanayang ayah manut kawentenan ;
11. Krama penekelan keni tetegeman wiwah ayahan manut perarem ;
12. Prade rikalaning ngayah wenten ainalih tunggil Krama malar Saderep puput karya, wengang Krama inucap keni panikanda tajak laler kewastanan.

(2) Ssang - ssang Krama Desa sane ngerobang keluarga sejeroning mayusa 7 ( pitung ) wara ngantos 15 ( limolas ) wara patut ngamlihng kaweruhan saba keranjingang ring Sekolah 9 (sira) wara ngantos puput utawi ngamlihng cihna, antuk Krama sane ngerobang inucap ; prade mawurug wengang kedanda manut perarem, saba patut ngemarginin pidsabdab sakeng Guru Wisesa sejeroning mincapang kaweruhan.

#### Pawos 9

Krama Desa kedadosang :

- a. Magoangkid utawi tan tedun apisan, rikala meyadnya manut pangelokika, matepetin, mapewangunan ( ritatkala ngeraabin utawi mawarin ) miwah keluasan mawengker 3 ( tigang ) rahina, selangkungnyane patut wenten kebebasan Prajuru, lan tice - tiosan manut perarem ;
- b. Nyada : nyershang ayah antuk Krama Ngarep, lan mademang ayah mawit Krama Sala Angkep angkat mawit sampun mayusa 60 ( enem dasa ) wara , sejawaning wenten parindik tiyos manut perarem ;
- c. Luput pateduman kengin sangksaning dados sadaka, pemangku Desa, pemangku Kahyangan Tiga, sane cedangga banget tur tan madrawe roban sane patut nedumin, anak alit ubuh ngantos munggah deha teruna, lan sane tiosan manut perarem ;
- d. Nekel : mutug ayah antuk berana manut paetangan Desa sangksaning kajodi antuk ssng mawang rat utawi jenek ring dura Desa ngerereh pekaryan.

#### Pawos 10

Musan dados Krama Desa luwire :

- a. Sangksaning.....

a. Sangkaning :

1. Pinunas ngeraga sangkaning kesah kedura Desa utawi ngelangkung segara ;
2. Kenorayang dwaning sampun tan prasida ngesehin solah maprawerti state nguwig kecaping Awig - Awig ;
3. Seda utawi ceput.

b. Sang wusan mekrama :

1. Patut ngaturang ayahnya ke Desa ;
2. Tan polih pah - pahan sangkaning padruwen Desa, sajabo pahan ring soang - soang Banjar utawi Tempek manut perarem.

c. Prade sang wusan mekrama pecak, ayat mekrama malih, kangkat yening sampun kecumponin antuk Krama saha patut naur penaub mekrama manut perarem.

Palet 2

Indik Prajuru utawi Dulun Desa

Pawos 11 ✓

- (1) Desa Adat Apuan kaenter antuk Bandesa Adat.
- (2) Banjar utawi Tempek kaenter antuk Kelihan Banjar utawi Tempek;
- (3) Bandesa Adat patut :
  - a. Mawiwit sakeng Krama Desa ngarep ;
  - b. Keadegang melarapan antuk paruman, saha Prajuru soang - soang taler keadegang nyabran 5 (limang) warsa, sejawanning wenten parindik tios kangkat kapilih malih ;
  - c. Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalannya saha tan kapialang antuk Uger - Uger Panegara ;
  - d. Maduluran Dewa Saksi ring Pura Bale Agung.

Pawos 12

- (1) Bandesa Adat kesanggra antuk :
  - a. Petajuh utawi Pangliman pinaka wakilnya ;
  - b. Penyarikan pinaka juru surat ;

c. Petengen.....



- c. Petengen pinaka pengamong druwen Desa ;
  - d. Kesinoman pinaka juru arah.
- (2) Kesinoman akeh nia manut kawigunan saha magilir nyabran ngesasih.
- (3) Sajeroning ngenterang niskala Bendesa Adat mingsingghang Pemangku Kahyangan Desa.

Pawos 13

- (1) Swadharmaning Bandesa Adat Luwire :
- a. Ngenterang pengelaksanaan sedaging Awig - Awig miwah perarem Desa ;
  - b. Nuntun tur ngenterang Krama rauhing Warga Desa ngupadi anut petitis ;
  - c. Mawosin kalih niwakang pamutus arep ring wicara warga Desa ;
  - d. Maka duta matemuang bawos ring sapa sira ugi.
- (2) Prade Prajuru iwang pengelaksana keni pamidanda nikel ring kaiwang soang - soang saha kangkat keraryanang manut perarem.

Pawos 14

- Petias Utawi Olih - olihan Prajuru Luwire :
- a. Polih tanding tengah ;
  - b. Luput rerampen ;
  - c. Petias sewosan manut perarem.

Pawos 15

- (1) Prajuru Desa kagentosin riantukan :
- a. Seda ;
  - b. Tutug panemaya ;
  - c. Wit sakeng pikayun rahayu utawi pinunas ngeraga ;
  - d. Kanorayang dwaning iwang pemargi utawi nilar sesana.

(2) Ngenorayang.....

- (2) Ngenorayang utawi ngentosin Prajuru patut sejeroning paruman saha kaingkupin antuk Krama Desa.

Palet 3

Indik Kulkul

Pawos 16

- (1) Kulkul ring Desa Luwire :

- a. Kulkul Desa ;
- b. Kulkul Banjar ;
- c. Kulkul Tempekana ;
- d. Kulkul Sekaa - sekaa.

- (2) Tabuh tatepakan Kulkul Desa :

- a. Kalih Tuludan lambat ,tengeran tedun ngayah utawi parum ;
- b. Atuludan Bulus , tengeran kapanca bhaya ;
- c. Limang kelentungan lambat tenggeran petedunan wangde.
- d. Tigang Kelentungan lambat tenggeran Pawiwahan ;
- e. Tenggeran Kelayu Sekaran ( putus /seda )
  1. Atuludan lambat, Tenggeran mitahuang ;
  2. Kalih Tuludan lambat selanturnya nedunang Krama.

Pawos 17

- (1) Kulkul Desa utawi Banjar tan wenang katepak yening tan sangkaning pituduh Prajuru, sejawaning tenggeran kapanca bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut perarem.
- (3) Suaran Kulkul,tenggeran kapanca bhaya patut ketedunin antuk Krama Desa saha makta gegawan anut bhaya.
- (4) Kulkul sekaa - sekaa semaliha kulkul pondokan - pondokan tan kalugra nyawerin ( matehin ) sukat utawi tenggeran kulkul Desa prade mamurug wenang kedanda manut perarem.

Palet 4.....

(1) Paruman/sangkepan ring Desa Adat Apuan wenten :

a. Paruman Desa Kawentenang :

1. Nyabran ngesasih tanpa arah - arah ngangken Redite Kliwon saha matenggeran kulkul ;
2. Napkala ( Padgata kala ) majalaran arah - arah saha matenggeran Kulkul manut tetujon ;

b. Paruman Prajuru, kawentenang manut tetujon ;

c. Paruman Banjar manut paetangan Banjar ;

d. Paruman Tempekan manut paetangan Tempek ;

e. Paruman Sekaa - sekaa manut pabuat .

(2) Paruman Desa madudonan sekadi ring sor :

a. Praside lumaksana risampun katedunin antuk sang patut ngamiletin saha sampun terem , keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;

b. Maka sarana janggi, pengawit kelaksanayang penyacak sep-sep saha riwusannya nyacak, dadosan gung alit manut perarem ;

c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - unan ring sabha ;

d. Pamutus bebawos beriuk sepanggul ( ingkup ) punika kemanggehang, prade tan prasida suara makehan pinaka pamutus.

(3) Prade pidaging paruman tan kaingkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang .

(1) Sajeroning paruman Desa , Bandesa Adat patut nyiarang pemargin ngenterang Desa, pamekas nganinin indik :

a. Munjuk.....

(1) Paruman/sangkepan ring Desa Adat Apuan wenten :

a. Paruman Desa Kawentenang :

1. Nyabran ngesasih tanpa arah - arah ngangken Redite Kliwon saha matenggeran kulkul ;
2. Napkala ( Padgata kala ) majalaran arah - arah saha matenggeran Kulkul manut tetujon ;

b. Paruman Prajuru, kawentenang manut tetujon ;

c. Paruman Banjar manut paetangan Banjar ;

d. Paruman Tempekan manut paetangan Tempek ;

e. Paruman Sekaa - sekaa manut pabuat .

(2) Paruman Desa madudonan sekadi ring sor :

- a. Prasida lumaksana risampun katedunin antuk sang patut ngamiletin saha sampun terem , keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;
- b. Maka sarana janggi, pengawit kelaksanayang penyacak sepsep saha riwusannya nyacak, dadosan gung alit manut perarem ;
- c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha ;
- d. Pamutus bebawos beriuk sepanggul ( ingkup ) punika kemanggehang, prade tan prasida suara makehan pinaka pamutus.

(3) Prade pidaging paruman tan kaingkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang .

(1) Sajeroning paruman Desa , Bandesa Adat patut nyiarang pemargin ngenterang Desa, pamekas nganinin indik :

a. Munjuk.....

- a. Munjuk lungsuring pekraman saha ayah - ayah sulur artha berana druwen Desa ;
  - b. Rencana Prajuru nganinin usaha Desa kapungkur.
- (2) Pamutus Paruman Desa sinanggeh perarem maka pamitegep penglaksanaan Awig - Awig.

Pawos 20

- (1) Sangkepan Prajuru kawenangang wantah ngerincikang pengerencana usaha Desa kapungkur.
- (2) Sangkepan Prajuru tan kawenang ngewedalang tetegenan ring krama sadereng kaingkupin antuk krama Desa.
- (3) Pemutus sangkepan Prajuru ngewetuang pasuara, maka pidaging pituduh sang ngawewenang utawi ngonekang perarem krama Desa.

Palet 5

Indik Druwen Desa

Pawos 21

Padruwen Desa Adat Apuan , sekadi ring sor :

- a. Wewangunan suci mekadi parhyangan/penyiwian - penyiwian Desa Adat jangkep saha sarana upacara pebaktiannya ;
- b. Balai Pesamuan ( Balai Desa Adat utawi Balai Banjar ) ;
- c. Tanah laba Pura ;
- d. Tanah Desa ( karang , carik lan Tegal ayah Desa ) ;
- e. Setra - Setra luwire : Setra Alit, Setra Agung ;
- f. Gender lan Gong Barungan ;
- g. Ilen - Ilen Sekadi : Rejang Pendet lan pesantian ;
- h. Lembaga Perkreditan Desa ( L P D ) ;
- i. Tios - tiosan sane pacang manggeh druwen Desa.

Pawos 22

Olih - olihan Desa Adat Apuan luwire :

- a. Olih - olihan saking pelaba Pura ;
- b. Urunan.....

- b. Urunan Krama Desa Adat ;
- c. Paica saking Guru Wisesa ;
- d. Paica - paica utawi usaha tiosan sane patut.

Pawos 23

- (1) Prajuru Desa wenang ngetanggung pamupon laba Pura lan sepenunggalan druwe Desa.
- (2) Pikolih lan pamuponnya keanggen prabeya piodalan saha wewangunan ring pura miwah sane tiyosan.
- (3) Nyabran pesangkepan Desa, Prajuru pengamong druwe Desa ngawentenang parindik munjuk lungsuring padruwe ring Krama Desa.
- (4) Sakaluwiring druwen Desa patut wenten ilikitannya.
- (5) Tan Kalugra ngadol, nyepih utawi ngesahang padruweyan desa yan tan kasungkemin antuk krama desa.
- (6) Pidabdab indik kawentenan Lembaga Perkreditan Desa ( LPD ) manut perarem.

Palet 6

Sukerta Pamitegep

Kaping 1

Karang lan Tegal

Pawos 24

- (1) Krama Desa pangemong Karang desa patut ngawatesin karang inucap antuk paggehan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah , tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kerasayang pagehan/turus inucap ngelikadin, yan pada arsa penyandinge nganggen pinget kewanten kesaksi antuk Prajuru Desa utawi pracihna pal saking sang mawang rat.
- (4) Prade wenten karang kebebeng mangda keuteahayang wenten pemarginya.

Pawos 25.....

(1) Sinalih tunggil Krama Desa tan kalugra :

- a. ngalah - alah margi, tegal ayahan, karang Desa lan sepenunggalannya;
- b. ngalah - alah tanah, tegak kahyangan, setra, lan sekancan tegak sinanggeh suci .

(2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

## Kaping 2

## P e p a y o n a n

## Pawos 26

(1) Ngawit nandur pepayonan utawi tanem tuwuh patut adepa agung ngajeroang sakeng wates, prade jantos ngeliwat wates wenang kesepat gantungin.

(2) Yening wenten tetanduran ngungkulin, semaliha mewastu mayanin kepisaga patut kewara antuk paiguman ping ajeng praside sang neruwenang wit ngerebah utawi notor.

(3) Prade sampun kewara taler tan wenten usaha sang neruwenang, wit sang rumasa katetehan utawi kajerihan wenang mesadok ring Prajuru, tur risampun keparitatas kalugra ngicalang pepayonan inucap sakewanten patin pepayonan patut ketawur manut panglokika sane nepasin.

(4) Sang keni pamidanda penyanggaskara saha prabea manut perarem arep ring wewangunan sang kerubuhan, luwire :

a. Sang neruwenang sang sinanggeh mayanin prade pungkut ngerubuhin wewangunan krama tios ;

b. Sang notor munggul utawi ngebah taru tur ngerubuhin Krama tios.

(5) Krama Desa patut ngemanggehang kawerdian tanem tuwuh sane ngawinang desane asri tur lestari, saha tan kapatutang ngebah taru sadereng polih wak-wakan Prajuru utawi pituduh Guru Wisesa.

Kaping 3.....

Kaping 3

Wewangunan

Pawos 27

- (1) Nyabran ngewangun patut :
  - a. Mesadok ring Prajuru , ping ajeng prade wewangunan nganinin wates ;
  - b. Ngangge asta bhumi miwah gegulak asta kosala - kosali sanistane manut ring petitis niskala ;
  - c. Tan nyayubin kapisaga.
- (2) Prade wewangunan jantos nyayubin bilih - bilih temboke ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Pawos 28

- (1) Sahanan warga desa sane mamiara wewalungan patut mekarya kandang , saha patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngeletehin Kahyangan.
- (2) Prade wenten wewalungan ngelumbar utawi ngeleb ngerusakin karang utawi paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetabanan, manut pengelokika Prajuru Desa ;
- (3) Prade jantos ngeletehin tegak suci, minakadi pemerajan ( sanggah kemulan ) risampun keparitatas antuk prajuru , wenang sang nruwenang kedanda mabuhu agung tebasan - tebasan prayascita durmanggala utawi panca sata iwak bebek belang kalung prade jantos ngeletehin Kahyangan Desa utawi pura pemaksan.
- (4) Krama desa patut nyanggra wewalungan miwah sarwa prani, Tur tan kepatut morosin sane prasida ngicalang kawerdian inucap sadereng wenten wak-wakan Prajuru utawi pituduh Guru Wisesa.

Kaping 5.....



## K a p i n g 5

### B h a y a

Pawos 29

- (1) Pari indik bhaya, luwire : Jiwa bhaya, Artha Bhaya, dura cara ring Agama lan sane tiyosan .
- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.
- (4) Prade wenten jatma memisuh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya ( kemalingan ), patut ngulkul mapitulung manut ring pawos 16 (2) aksara b, utawi sang kemalingan atur supeksa ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru Jantos jatma tios nyaduang patut kedanda kadi dandaning maling, sakweh pengargan wit manut cacakan Desa , tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi taru, saang, daun kelapa, ron, lan sepenunggalannya tanpa sadok ring sang nruwenang , prade kacunduk ( ketara ) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewartu sang madruwe karang keicalan, wenang jatma inucap ketuwekang antuk madewa sakel ring Pura Bale Agung.
- (5) Mangda tan ketuwekang manut ring ajeng asing - asing ngeranjing kubon jatma tios patut :
  - a. Matenggeran suara ( mekaukan ) ;
  - b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
  - c. Pemedal karangnya kedagingin sawen maka cihna pengarah rikala suwung.

Kaping 6.....

Kaping 6

Peyanggran Banjar

Pawos 31

Krama Desa rikala ngawentenang karya suka duka, patut kesanggra antuk Banjar

- a. Prade ngewangun Pitra Yadnya utawi Manusa Yadnya wenang nunas Penyanggran Banjar ;
- b. Upacara Pitra Yadnya kemargiang risampun polih uwak uwakan Prajuru Desa ;
- c. Pangerombe utawi karya Gotong royong Krama ngantos ping tiga selangkungan punika patut katuran pengu ;
- d. Pengu rikala Pitra Yadnya anut abot dangan Yadnya prade sakeng semeng ngantos wengi katuran pengu ping kalih.

Kaping 7

Indik Pariwertu

Pawos 32

- (1) Sehanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane praside ngicalang pasukertan Desa Pakraman.
- (2) Krama Desa patut ngewerdiang ring sajeroning setra Adat nandur sarwa sari mangda setra inucap pekantenannyane asri.
- (3) Telajakan karang sane majeng Margi Agung, Merajan , Karang Sikut Satak patut kapiara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kapatutang makarya Angkul - angkul ring Soang - soang tegak pekarangan, saha patut madruwe genah mebacin utawi WC.
- (6) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV.....

SARGA IV

SUKERTA TATA AGAMA

Palet 1

Indik Dewa Yadnya

Pawos 33

- (1) Pelinggih penyiwian sewidangan Desa Adat Apuan, luwire :
1. Kahyangan Tiga : Pura Desa/Bale Agung, Pura Puseh, miwah Pura Dalem,
  2. Pura Melanting ;
  3. Pura Tirta Empul ;
  4. Pura Prajapati.
  5. Pajenengan
- (2) Rahina piodalan soang - soang Kahyangan kadi ring sor :
1. Pura Desa /Bale Agung Rikala Purnamaning Ketiga ;
  2. Pura Puseh rikala Saniscara Kliwon Krulut ;
  3. Pura Dalem rikala Anggara Kliwon Medangsia ;
  4. Pura Melanting rikala Budha Wage Kelawu ;
  5. Pura Tirta Empul rikala Buhda Wage Merakih ;
  6. Pura Prajapati rikala Anggara Kliwon Krulut
- (3) Pengaci ring pura - pura inucap manut kecap Sastra Agama saha kangkat kelaksanayang, nista, madya, utama.
- (4) Rikala ngelaksanayang piodalan utawi karya sadereng ngemargiang pamuspaan patut kariyinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Adat Apuan, saha indik pidabdab pemargi aci utawi piodalan magilir satunggil memargi antuk Banjar Apuan Kaja lan Banjar Apuan Kelod, sejawaning wenten pemargi yadnya tiyosan manut perarem.

Pawos 34

- (1) Ring Parhyangan Desa Adat Apuan patut ngadegang Pemangku Kahyangan Desa, lan Pemangku Prajapati.

(2) Ngadegang.....

(2) Ngadegang Pemangku inucap angka (1) manut dudonan :

- a. Nyanjan utawi masemurang, soang - soang mapiteges mapinunas ring ajeng Kahyangan Desa utawi ring balian sonteng, lan sepenunggilannya ;
- b. Turunan utawi ngewaris ;
- c. Kecatri ( pilihan Krama Desa ) ;
- d. Mawiwit sakeng Krama Desa Adat Apuan .

(3) Tan kawenang keadegang dados pemangku , luwire :

- a. Cedangga, luwire : peceng , perot, cungh lan sepenunggilannya ;
- b. Sang sapa sira ugi sane tan kepatutang anut perarem ;
- c. Sakit ila, ayan, buduh wiadin edan ;
- d. Sane mederbe kesucian urip tan becik.

(4) Prabya kepemangkuan :

- a. Adiksa Widhi ( ngawintenin ) kemenggala saha kelaksanayang antuk sang ngadegang, mekadi Krama Desa ;
- b. Mapitra Yadnya riwekas, patut kelaksanayang antuk Krama Desa.

(5) Pemangku patut ngemanggehang sesananing pemangku, luwire tan wenang ajejuden miwah sane tiosan.

Pawos 35

Swadharman Pemangku luwire :

- a. Ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
- b. Tan Wenang salab sulub yan mamurug wenang pemangku inucap nyepuhin raga ;
- c. Prade sinalih tunggil pemangku Kahyangan tiga kapiambang kengin nyelang Pemangku Kahyang Tiga ring Desa utawi nuur sang Sulingggih ;
- d. Semaliha yen sampun pemangku ngayah tigang rahina ring pura kancit wenten kulawargania padem, Pemangku inucap tan keneng cuntaka, sakewanten Pemangku tan budal selami piodalan.

Pawos 36.....

Petias utawi olih - olihan pemangku, luwire :

- a. Sarin Canang miwah pejati mawiwit sakeng aturan upakara krama 1/3 (apah tiga) ;
- b. Luput Ayah ;
- c. Luput Rerampen lan polih upon pelaba pura manut perarem ;
- d. Busana arangsukan nyabran awarsa apisan ;
- e. Tios - tiosan manut perarem.

(1) Pemangku kegentosin riantukan :

- a. Seda ;
- b. Pinunas ngeraga, menawi kageringan lan sepenunggalnya ;
- c. Kawusanang antuk krama sangkaning melaksana sane tan patut ( Asta Dusta ).

(2) Prade pemangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Kasukertan Kahyangan kadi ring sor :

a. Tan Kalugra ngeranjing ke Pura luire :

1. Sang katiben cuntaka, mekadi sebel sakeng ngeraga :

- a. Sebel kandel ngerajasuwala, selami dereng mebersih ;
- b. Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan ;
- c. Sebel pengantenan, selami dereng mabiyakala, miwah cuntaka sangkaning kepadaman manut senger ;
- d. Sebel riantukan madruwe keluarga kepadaman/kelayusekaran selami dereng ngelaksanayang Upakara Mesapuh utawi Nyeeb Brahma.

2. Makta.....

2. Makta sehanan barang sinanggeh ngeletehin ;
  3. Sato Agung sejawaning rikala mapepada ;
  4. Mabusana tan manut kadi tata caraning ngeranjing ke Pura ;
  5. Sedereng polih wak - wakan ( pituduh ) Prajuru utawi Pemangku Desa.
- b. Pratingkahe tan wenang ring Pura :
1. Masumpah ( cor), sejawaning pituduh Prajuru ;
  2. Makobetan, masesenengan, makolem dados asiki lanang wadon, mebacin, mewarih, nyangsang busana, mececepin anak alit, menahin pusungan ( santukan punika sekadi rikala mejejahitan patut ngelung busung mecingor lidinya ) ;
  3. Mungguh tedun palinggih sejawaning pituduh Prajuru utawi Pemangku.
- c. Sang mamurug kecaping ajeng, keni pamidanda pemerayascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa kesumbangsan, yan tan wiakti, jatma inucap kesisipan kedanda prayascita.
- (2) Prade ring Kahyangan kehanan durmanggala, minakadi kepanca bhaya, pemangku Kahyangan Desa patut digelis nyadokang ring prajuru mangda marumang krama desa tur ngawentenang pemerayascita sepatutnya.

Palet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangi prade wenten kacihnasan sahar kekecap miwah drestane, tur sareng nyaksinin upakara saha nyiarang ring paruman desa tegap rawuhing wates kawenangan ngenterang yadnya.
- (3) Krama desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41.....

- (1) Sang eulinggih patut ngeriyinang ngayunin ring wawidangan jagat Desa Adat Apuan sesampune puput wawu kangkat muputang Yadnya kejebar tios jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

a. Pengupakarah sang kelayu sekar :

1. Antuk mendem utawi ngeseng maka cihna pakingsan ring Ibu Pertiwi utawi ring geni selami nuptupang prabeya , lan nyantos pedewasan ;
2. Atiwa - tiwa ( upakara pengabenan/pelebon ).

b. Upakara upacara Pitra Yadnya riwusan keabenang mewastu munggah daun bingin ( ngeroras ) wawu kekaryanang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

(1) Sang kaduhkitan patut :

1. Nyadokang ring Bendesa Adat tur nunas tetimbangan ring kawentenannya ;
2. Ngaturin Krama ngerombo mekarya eteh - eteh sawa kedulurin panyembrahma canang sesida antuk ring pengerombo nganter ke setra ;
3. Prajuru Adat maritatas pemargin sang kaduhkitan, napike pacang kependem, makingsan riyin utawi lantur keabenang ;

4.a. Indik.....

4. a. Indik salah Pati lan Ngulah Pati manut putusan pesamaan Agung Para Sulinggih lan Walaka ring Campuan Ubud, 21 Oktober 1961 sane Kelayu sekaran kadi salah Pati lan Ngulah Pati patut kebawos mati bener ( seda biasa ) saha kangkat kaupakara kadi ngupakara sawa seda biasa sane sampun ketah memargi, saha kadulurin antuk Upakara penebusan lan pangulangan manut Sastra Agama Hindu ;
- b. Sang sane seda utawi putus inucap aksara a, utawi seda ring Dura Desa, Rumah Sakit lan genah - genah sane siosan, sedereng kaupakara, kangkat keajak budal kepakubonnya, saha selanturnyanne patut kaupakara manut Sastra Agama.
5. Penyanggran Banjar selanturnya :
- a. Soang - soang Krama patut nedunin patus manut perarem ;
- b. Ngerombo ngaryanin eteh - eteh sawa, saha kesarengin antuk Krama sane rawuh, maaksian ;
- c. Sami Krama Banjar nganter kesetra jantos pemendeman puput.
- (3) Patut ngemargiang pegebagan ring pakubon sang kaduhkitan prade sawa sampun masiram manut paetangan prajuru .
- (3) Tan kalugra mendem sawa rikala :
1. Wuku was penganten ;
  2. Semut sedulur ;
  3. Kala gotongan ;
  4. Larung pegelangan : Wraspati penanggal/pangelong ping 6 ( enem ) ;
  5. Gagak anungsung pati, penanggal ping 9 ( siya ) ;
  6. Ingkel wong ;
  7. Rerahinan jagat :
    - a. Purnama ;
    - b. Tilem ;
    - c. Purwani ;
    - d. Kajeng Kliwon ;
    - e. Pasah ;
    - f. Buda Kliwon ;
    - g. Tumpek.....



- g. Tumpek ;
  - h. Buda Wage ( buda Cemeng ) ;
  - i. Anggar Kasih ( Anggara Kliwon ) ;
  - j. Saniscara Umanis Watugunung ;
  - k. Redite Umanis Ukir ( Odalan Bhatara Guru ) ;
  - l. Wuku Walanggati, penanggal ping 11 ( solas ) ;
8. Wuku langkir ngantos Budha Kliwon Paang, (buncal balung);
  9. Sasih ke 10 ( dasa ) tanggal ping 13 ( telulas ) ;
  10. Dewasa kekeran manut desa adat.
- (4) Prade wenten kalayu sekar, rikala piodalan, kengin kasurupang tan maupakara tanpa sadok tur memargi wengi ;
  - (5) Tan kalugra nginepang bangbang ;
  - (6) Prade sane kelayu sekaran ngadut manik, patut manik inucap kawijilang riyin wawu kaupakara ;
  - (7) Tata cara ngange setra manut paetangan prajuru miwah dresta.
  - (8) Prade pacang mendem utawi ngabenang sawa ring Setra Desa Adat sane saderengnyane, tan ngeranjing dados Warga Desa Adat ( kerob ) utawi mawit sakeng Desa Adat tiyos, patut nawur penanjung Batu kewastanin, akehnyane manut perarem.

Pawos 44

- (1) Sane kasinanggeh kacuntaka sekadi ring sor :
  - a. Cuntaka antuk kelayu sekar ;
  - b. Cuntaka antuk ngeraja swala ;
  - c. Cuntaka antuk ngembasang putra ;
  - d. Cuntaka antuk keruron ;
  - e. Cuntaka antuk sakit ila/ buduh ;
  - f. Cuntaka antuk pawiwahan ;
  - g. Cuntaka antuk gamia gamana ;
  - h. Cuntaka antuk salah timpal ;
  - i. Cuntaka yening wenten anak istri mobot nenten keupakara pabiakawonan tur pawidiwidana ;
  - j. Cuntaka .....

j. Cuntaka antuk memitra ngalang ;

k. Cuntaka antuk yening wenten anak istri ngembasang putra sadurung maupakara pabiukawonan tur pawidiwidana.

(2) Sengker Cuntaka manut kawentenannya :

a. Cuntaka kelayu sekar, cuntakannia 12 ( roras ) rahina manut sekadi loka dresta miwah sastra dresta Desa Adat Apuan utawi nyantos Nyeeb Brahma ;

b. Cuntaka ngeraja swala, 3 ( tigang ) rahina ngawit saking ngeraja swala utawi selami ngeraja swala ;

c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sane istri ;

d. Cuntaka keruron, cuntaka nia abulan pitung rahina (42) Rahina tur sampun matirta pemerayascita, lanang 3 (tigang) rahina ;

e. Cuntaka pawiwahan , cuntakania ngantos sesampune matirta pabiakawonan ;

f. Cuntaka gamia gamana, cuntakania ngantos sesampune kepalasang utawi mesapihan tur sampun kawentenang pemerayascita raga tur kawentenang pemerayascita desa adat/Kahyangan ;

g. Cuntaka salah timpal, kapuputang sekadi manut ring Agama Hindu antuk Krama Desa Adat Apuan ;

h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan ;

i. Cuntaka mamitra ngalang, cuntakania ngantos kawentenang upakara pabiakawonan ;

j. Ngembas putra nenten kawentenang upakara pabiakawonan miwah upakara pawidiwidana, cuntakania ngantos wenten sane memeras sang putra, tur sampun kewentenan upakara sekadi manut ring ajaran Agama Hindu ;

k. Prade sinalih tunggil warga Desa wenten ngembasang Putra kembar utawi buncing tan patut kebawos ngeletehin Desa dwaning sapunika cuntakania patch sekadi ngembasang putra biasa.

(3) Cuntaka Kelayu sekar/kepadaman :

a. Kapendem cuntakania :

1. Pengapit, pemapas/penumbak pekarangan lan Banjar ngantos 3 ( tigang ) rahina saha sampun mecapuh ;

2. Kulawarga.....

b. Ngaben Nuasa utawi nuasa nyabran limang warsa apisan sane kebawos ngegalung .

Pawos 46

- (1) Pepatusan pengabenan sakeng Krama luwire : gasing akatih, raab asampel, beras abungbung jinah manut perarem.
- (2) Sang madruwe Kelayu sekaran polih pangerombe sakeng Krama ngawit kawentenang pangepahan pengerombe ring krama , saha indik patedunan krama lanang wiadin istri manut kawentenan karya tur manut sekadi pinunas sang meyadnya.

Pawos 47

- (1) Tan kedadosang ngewales jenukan ;
- (2) Sejaba angka (1) sang madruwe yadnya kangkat ngaturang rayunan utawi panyembrahma sematra ring tamiu sane rawuh manut kawentenan sang meyadnya ;
- (3) Tios - tiosan pemargin atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

Pawos 48

- (1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riwekas.
- (2) Upacara kadi ring ajeng madudonan kadi ring sor' :
  - a. Magedong - gedongan duk pengerampinian ibiang ;
  - b. Duk sang kama reka medal ;
  - c. Kepus Odel lan Roras rahina ;
  - d. Tutug kambuhan 42 ( petang dasa kalih ) rahina ;
  - e. Nigang sasihin ;
  - f. Pawetuan /oton/odalan ( enem sasih ) ;
  - g. Tutug Kelih ( ngeraja wedana, ngembakin utawi ngeraja singa lanange ) ;
  - h. Metatah ( mepandes ) ;

i. Mawiwaha.....

- i. Mawiwaha ;
  - j. Mewinten.
- (3) Upacara - upacara inucap nista, madya , utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

- (1) Butha Yadnya inggih punika upacara biakala ring pertiwi lan kayangan , sarwa perani saha upacara - upacara ring bebutan.
- (2) Upacara biakala ring sarwa perani, luwire :
  - a. Ring sarwa tumuwuh ritatkala tumpek Pengarah ( Saniscara Keliwon Wariga ) ;
  - b. Ring sarwa ingon - ingon rikala Tumpek Uye ( Saniscara Kliwon Uye ) ;
  - c. Upacara pakala - kala manusa anut wiguna , kebawos pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madya, utama, manut wiguna kadi ring sor :
  - a. Eka Sata ;
  - b. Panca Sata ;
  - c. Panca Sanak ;
  - d. Resi Gana ;
  - e. Taur Agung ;
  - f. Panca Kelud.
- (5) Sejawaning kadi ring ajeng kawentenang upakara :
  - a. Majot - jotan utawi Yadnya Sesa nyabran wusan ngerateng ;
  - b. Mesapuh - sapuh rikala pacang wali ring Pura ;

Pawos 50.....

- (1) Ngangken ngewarsa rikalaning Tilem Kesanga kawentenang tawur kesanga , ketah kebawos ngerupuk maka cihna pacang mapag rainan penyepian benjangne.
- (2) Upacara Penyepian sane pacang kemargiang antuk krama desa :
  - a. Amati geni , tan kengin maapi - api ;
  - b. Amati karya tan kengin nyambut karya ;
  - c. Amati lelungan , tan kengin maoneng - onengan, masuara goro lan sepenunggalannya ;
  - d. Amati lelungan , tan kengin malunga - lungaan .
- (3) Paberatan inucap kamargiang sakeng semeng ngantos benjangne semeng raris kasuarayang kulkul pinaka cihna pengembak .
- (4) Sang mamurug kecaping ajeng keni pamidanda manut perarem desa adat kemargiang antuk petelik ( pecalang desa ).
- (5) Riwus rahina Nyepi benjangne maka cihna pengawit Içaka Warsa patut soang - soang warga Desa sami ngaksama.

SARGA V

SUKERTA TATA PAWONGAN

Palet 1

Indik Pawiwahan

Pawos 51

- (1) Pawiwahan inggih punika petemoning purusa predana melarapan panunggalan kayun suka cita maduluran upasaksi sekala niskala.
- (2) Penglaksanaan pawiwahan luwire :
  - a. Pepadikan kemanggala antuk pakrunan ;
  - b. Ngerorod , merangkat riyin wawu kakrunayang ;
  - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patut :
  - a. Sampun manggeh deha teruna ( prasida nganutin Undang - Undang Perkawinan ;
  - b. Sangkaning.....

- b. Sangkaning pada rena ( tan kepaksa ) ;
  - c. Manut kecaping Agama ( tan Gamia gamana ) ;
  - d. Kawisudayang ( Sudi Wadani ) prade pengambile tios Agama miwah kepati wangi.
- (4) Pemargin Pawiwahan mangda taler nganutin Undang - Undang Perkawinan saking sang ngawewenang.

Pawos 52

- (1) Pawiwahan sane kepatutang ring desa sekadi ring sor :
- a. Sampun kemargiang pabyakala utawi pesakapan, kesaksiang sekala niskala sane kapuput antuk pandita utawi pinandita;
  - b. Wenten pesaksi Prajuru sane mapekelingang utawi ngilikitayang pawiwahan ;
  - c. Prade sang mawiwaha ketiyos Desa, sane ngambil patut nawur prabeaya pangelus kerob akehnyanne manut perarem.
  - d. Sampun matengeran suaran kulkul maka cihna sampun sah meperabian ;
  - e. Pawiwahan inucap ring ajeng sampun kecatatang ring Kantor Camat rawuh ke Kantor Catatan Sipil Kabupaten Daerah Tingkat II Bangli.
- (2) Perabian sane tan manut kadi ring ajeng sinanggeh tan patut.

Pawos 53

Tata caraning perabian patut sekadi ring sor :

- a. Sapa sira ugi pacang ngewarangang pakuluwarga patut mesadok ring Prajuru , selanturnya prajuru maritatas anut tan manut kekecap perabiane;
- b. Pemargin pepadikan anut dudonan :
  - 1. Pakrunan jantos ping tiga , saha soang-soang melarapan antuk :
    - a. Antuk canang Taksu ;
    - b. Kaping kalih antuk canang lan sajeng ;
    - c. Kaping tiga antuk tipat Bantal, kebawos pemuput pepadikan.

2. Risampun.....

2. Risampun pragat raris sang istri keajak budal ring pakubon sang lanang, saha kalanturang antuk pabyakala.
3. Mangda pragat tumus sekala niskala, raris kuluwarga purusa makta pejati matipat bantal ring merajan wadone.

c. Prade ngerorod/merangkat patut :

1. Reraman lanange ngewentenang pamilaku antuk duta sekiranya 2 ( kalih ) diri;
2. Pagenahan antene tan kengin ring pakubon sang lanang sadereng mabyakala.

d. Sajeroning pakrunan /pengelakuan patut :

1. Kamenggala antuk geng pengampura arep ring reraman wadone ;
2. Kaigumang bawos idih pakidih utawi pelegayan arep ring pasuwakan sang ngidih saha dewasa pakrab kambean riwekas;
3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggehang sentana nyeburin;
4. Prade tan terima pelakuan pejati pakrunan kemargiang jantos ping tiga, yening antene sampun nganutin pidabdab sang pacang mawiwaha, upakara patut kelaksanayang saha kamanggala antuk Prajuru Adat.

e. Pekrabkambean mapiteges upacara tindas apadang ( puput ) mapikuren, dwaning manut sekadi ring sor :

1. Sajeroning kabawos ambe, kelaksanayang ring sekala niskala antuk sarana jejauman miwah pawidi widana :
  - a. Jejauman pinaka ngambe/ngadungang kayun soang-soang pakulawarga wadone;
  - b. Widhi widana pinaka pejati niskala nunas wadone ring pemerajan kemulannya .
2. Sajeroning bawos kerab pelaksana ring sekala :
  - a. Antuk pesaksi Krama Desa dwaning kekerabang antuk tenggeran kulkul;
  - b. Pamekas penyaksi Prajuru saha ngilikitayang.

Palet 2.....

Palet 2

Indik Nyapian

Pawos 54

- (1) Pawiwahan praside kawusang melarapan antuk palas perabian utawi kepademan.
- (2) Wusan mapikuren riantukan sinalih tunggil seda mapiteges balu, mekadi balu lanang / istri.
- (3) Palas perabian wenten kalih pawos , inggih punika sangkaning pada lila miwah mawiwit wicara .
- (4) Sang ayat palas merabian patut atur supekta pailikitan riyin ring sang rumawos ( Pengadilan Negeri ) wastu tinas apadang pmutuse kabawos nyapian wawu Prajuru nyiarang kawentenannya ring Desa saha keni pamidanda manut perarem.

Pawos 55

Tata cara palas perabian sangkaning pada arsa/lila sekadi ring sor :

- a. Nawur prabeaya pesaksi sinalih tunggil sami matenga ;
- b. Pagunakaya polih pahan pada ;
- c. Pabekel, tatadan soang-soang kekuasa niri-niri miwah warisan kekuasa antuk purusa ;
- d. Ngeweruhin miwah ngupajiwa pratisentana manut swadarmaning guru rupaka ;

Pawos 56

Prade riwekas sang palas kecihnan adung malih, patut :

- a. Ngelaksanayang pawiwahan malih ;
- b. Kedanda nikel saking palase, yadiastun wit palase pecak sangkaning pada lila ( arsa ).

Pawos 57

(1) Sang balu kebinayang dados :

- a. Balu luh wit sentana ( sentana rajeg ) miwah balu luh boya sentana ;

b. Balu.....



b. Balu muani kepurusa ( wit sentana ) miwah balu muani nyeburin ( boya sentana ).

(2) Swadharmaning balu inucap patut :

- a. Ngemanggehang patibrata tan kengin ngemargiang paradara utawi dratikrama ;
- b. Ngussayang waris pagunakayan, tan dados ngadol, ngadeang, makidihang lan siosan punika, sejawaning kebebasang saking pianak utawi kulawarga pinih tampek saking kurenannya prade pianak kantung alit - alit;
- c. Kengin ngidih sentana prade wenten pidabdab sedurung sinalih tunggil padem, saha keutsahayang kabebasang antuk kulawarga singgih kapurusa ;
- d. Kawenangang mawiwaha malih, yening sampun mawaneng tigang sasih, prade kantung mobot nyantos putrane embas.

Pawos 58

Balu kaucap tan pageh sekadi ring sor :

- a. Dratikrama utawi paradara ;
- b. Matilar saking pakubon tan pesadok jantos 6 ( enem ) sasih ;
- c. Lempas ring swadharma sewos - sewos , tan prasida ngesehin solah maprawerti arep ring pituduh kulawarga purusa.

Pawos 59

Sapa sira Ugi Warga Desa Adat Apuan tan kapatutang ngerabi wong arabi, prade mamurug kedanda manut perarem saha prade wicaranya tan prasida kebawosin ring pekraman patut kasukserah ring sang ngawiwenang.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahane kepatut.

(3) Prade.....

- (3) Prade pawiwahane tan kepatut ngewetuang sentana, mangda tan kantong kewastanin bebinjat utawi astra yogia kemanggala antuk penyanggaskara utawi sesipatan.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin setana paperasan .
- (5) Sentana rajeg inggih punika , pratisentana wadon ( predana ) sane kemanggehang lanang ( purusa ) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiwit ( 5 ) , inggih punika :
  - a. Pratisentana wadon tunggal ;
  - b. Sampun kemanggehang dados pratisentana lanang ( purusa ) ;
  - c. Kapawiwahan keceburin , kautamayang antuk jatma sane maAgama Hindu utawi jatma sane meagama tiyosan sane sampun ngelaksanayang pamarisuda raga ;
  - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

Pawos 61

- (1) Ngangkat sentana manut dudonan patut makacihna artha berana pemerasan sane kesinaksiang sekala - niskala.
- (2) Sapa sira ugi krama pacang ngidih sentana patut mesadok ring Prajuru Adat sanistane asasih sedereng pemerasan.
- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sang sapa sira ugi rumasa tan lila mangda nyadokang masengker kalih wuku sabanen pemerasan ring Bendesa Adat.
- (4) Prajuru desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos / sulur utawi wicaranya.

Pawos 62

- (1) Peperasan sane ring desa risampun maka cihna :

a. Widhi.....

- a. Widhi widana pemerasan ;
  - b. Kesaktianda untuk Prajuru , sane sabelingang utawi ngilikitayang, tur ;
  - c. Kaslarang ring wewidangan desane.
- (2) Sane hepatut peras angga sentana kadi ring sor :
- a. Jatah meagama Hindu ;
  - b. Peperumahan nedunang saking sang meras ;
  - c. Kulawarga saking purusa, prade ten wenten kengin saking wadon yening taler ten wenten wawu kengin sekana - kana ( saking kayun ) ;
  - d. Hautanayang saking waris pancer kapurusa ;
  - e. Sinalih tunggil mawiwit saking kulawarga tunggal sanggah utawi merajan, palbon lan dadia utawi ngambilin anak tios sakewanten sang meagama Hindu.
- (3) Kengin ngangkat sentana lintang ring adiri, lanang wiadin wadon.

Palet 4

Indik Warisan

Pawos 63

- (1) Warisan inggih punika tetanian artha berana saha ayah - ayah ngupadi sukertan sekala niskala saking keluhurannia arep ring turunanana.
- (2) Sane sinanggah warisan luire :
- a. Luwe tengah, mekadi tegal ayahan desa, kahyangan, pusaka, lan sepenunggalannya ;
  - b. Penerajan utawi sanggah ;
  - c. Pegunakaya, tatadan, jiwa dana, hutang piutang.
- (3) Wawu kengin kebawos warisan prade wenten :
- a. Sang napiturun ( pewaris ) ;
  - b. Keturunan ( ahli waris ) ;
  - c. Artha berana niwah tetegenan ( ayah - ayah ) makacihna warisan.

Pawos 64.....

(1) Ahli waris , luiire :

- a. Pretisentana purusa ;
- b. Pretisentana predana ( sentana rajeg ) ;
- c. Sentana peperasan lanang / wadon ;

(2) Prade tan wenten sekadi ring ajeng, kang sinanggeh ahli waris:

- a. Turunan purusa pernah ngunggahang , rerama lanang pekak selantur ipun rerama misan mindon ;
- b. Turunan purusa pernah kesamping mekadi keponakan miwah mindon.

Pawos 65

Swadarmaning ahli waris patut :

- a. Nerima saha nguasayang tetamian pahan saking keluhurannia, mekadi ngerempon sanggah , pura saha pengupakarannia miwah nyeledihin ayah - ayahan pewaris ;
- b. Ngabenang pewaris saha ngelanturang upacara - upacara pitra ;
- c. Nawurin hutang - hutang pewaris sane manut penglokika.

Pawos 66

Pengepahan warisan nganutin sekadi ring sor :

- a. Risampun kelaksanayang pitra yadnya lan hutang - hutang pewaris buntas ketawur ;
- b. Para ahli waris polih pahan pada sangkaning pegunakaya, sejabaning tanah ayahan desa keamong antuk ahli waris kang sinanggeh krama ngarep.
- c. Sinalih tunggil ahli waris kengin tan polih pahan prade :
  1. Nilar kawitan lan sesananing Agama ;
  2. Alpaka Guru Rupaka ;
  3. Sentana rajeg kesah mawiwaha utawi pratisentana nyeburin , soang - soang kebawos ninggal kedaton.
- d. Boya ahli waris kengin muponin hasil anut dudonan , luiire :

1. Sentana.....

1. Sentana luh, selami dereng kesah mewiwaha utawi alpaka guru miwah prade pianak tan keangkenin antuk wong tus rare inucap, kengin ngewaris wantah pikolih ( paguna kaya ) sentana luh inucap kemawon ;
2. Balu luh wiadin muani nyeburin ( soang - soang boya sentana ) ;
3. Mulih deha utawi teruna, riantukan ring pawiwahane, tatadan / bekel, maka cihna paweweh tetep ring pianak sane kesah mawiwaha.

Pawos 67

- (1) Prade sejeroning pakulawarga wenten ahli waris langkungan ring adiri patut :
  - a. Kawentenang paiguman indik pedum waris inucap ;
  - b. Yen tan prasida ketunasang tetimbangan ring Prajuru ( kerta desa ) ;
  - c. Prade taler tan wenten cumpu ring penepas kerta desa kengin ketunasang ring sang rumawos ( Pengadilan ) .
- (2) Prade karang inucap keputungan, patut prajuru Desa nibakang ring :
  - a. Sang sinanggeh ahli waris manut pawos 64 ;
  - b. Sang kengin anggen sentana anut pawos 62 ( 2 ) miwah (3) ;
  - c. Prade taler tan wenten cumpu ring penepas kerta desa, kengin ketunasang ring sang rumawos ( Pengadilan Negeri ) .

SARGA VI

WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawos ( Pengadilan ) .

Pawos 69.....

(2) Rerampagan ngangge tata cara kadi ring sor :

- a. Kelaksanayang antuk Prajuru kasarengin antuk krama tigang diri pinaka saksi ;
- b. Sang ngerampag saha darsana ngambil artha utawi nyawenin tanem tuwuh, akehnya manut ring hutang sang kerampag ;
- c. Prajuru Desa miteketang mangda Artha sane kerampag digelis katebus, masengker awuku ring kutus rahina pacang keadol ;
- d. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 72

- (2) Prade sang pacang kerampag ngewara ( ngalengin ) pelaksanaan inucap mewastu sampun tan nganutin awig - awig desa wenang karang desa sane kagenahin kedaut antuk desanne.
- (2) Semaliha yen wenten purun taler ngalengin pelaksanaan kadi ring ajeng tan wenten pemargi sejawaning kesepe kang antuk Krama Desane.
- (3) Pamidanda inucap ring ajeng buntas risampun sang kekaninin :
  - a. Nunas geng pengampura ring Krama Desa riantukan nguak pasubaya ( pararem ) pecak ;
  - b. Nawur pengargan penguak pasubayane duk pacang kerampag kadulurin prayascita panyapeap keiwangane ring desa.

SARGA VII

NGUWAH - NGUWUHIN AWIG - AWIG

Pawos 73

- (1) Nguwah - nguwuhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit kaingkupin ( keraremin ) .

Pawos 74

- (1) Sakaluring sane wenten saderengnya patut keanutang ring sedaging Awig - awig puniki.
- (2) Sakaluring sane durung kebawos sajeroning Awig - awig puniki patut kelaksanayang manut tatacara sane sampun memargi kadulurin antuk perarem - perarem.

SARGA VIII.....

SARGA VIII

P A M U P U T

Pawos 75

- (1) Awig - Awig puniki kararemin duk rahina Sukra Kliwon Wuku Bala Sasih Kasa Icaka Warsa 1916 Tanggal Masehi 15 Juli 1994 ngambil genah ring Natar Balai Pesamuan Desa Adat Apuan.
- (2) Awig - awig puniki kalingga tanganin antuk Prajuru Desa Adat kasarengin antuk Kepala Dusun Apuan, Kepala Desa Apuan lan Camat Susut pinaka saksi.
- (3) Luwir Sang Ngelingga Tanganin :

I. Prajurit Desa :



1. Bandeda Adat Apuan,

2. Pangliman,

I Made Nuraga.

3. Penyarikan,

I Wayan Sentanu.

4. Patengen,

I Wayan Suwe.

I Wayan Kania.

II. Pinaka Saksi :

1. Kepala Dusun Apuan Kaja,



I Wayan Muraka.

2. Kepala Dusun Apuan Kelod,



I Made Kaler.



I Wayan Jawi.



4. Camat Susut,

CAMAT  
SUSUT

Drs. I Made Suryadhi

Bangli : 10 Agustus 1994.

Reg. No. : 29 Tahun 1994.



MANGGALANING PAMIKUKUH

BUPATI KEPALA DAERAH TINGKAT II BANGLI,

Drs. I DA BAGUS GDE AGUNG LADIP, SH.